




ILINNIARTITSISUNUT ILITSERSUUT

SAPIITSULIORTORSUUVUTIT

1. klassimi 2. klassimilu atuartitsissutit



ISBN 978-87-92167-68-2

Copyright © 2019

Piginnittussaaitaanermut inatsik aallaavigalugu atuagaq imarisaataluunniit ilaa assileqqusaanngilaq arlaatigulluunniit saqqummiuteqqeqqusaanani.

Ilusaa siulleg, 2019

Fonden for Entreprenørskab Kalaallit Nunaat

Saqqummiunneqartut mindthefutureminngaanniit pilersinneqarput Fonden for Entreprenørskab Kalaallit Nunaallu aqqutigalugu saqqummersinneqarlutik. Hans Tietze titartaasuvoq.



FONDEN FOR ENTREPRENØRSKAB KALAALLIT NUNAAAT
JA WORLDWIDEMI ILAASORTAQ

Fonden for Entreprenørskab Kalaallit Nunaat nuna tamakkerlugu ilisimasanut centeriuvoq nutaaliarlunilu aallarnisaanerup ilinniarfeqarfinni assigiinngitsuni ineriartortinneqarnissaanut suliaqartuulluni. Fondeni-minngaanniittaaq nutaaliarluni aallarnisaanerup ilinniartitsissutigineqartarnera ilisimatusarfigineqartarpoq. Fondimilu aamma sulissutigineqarpoq ilinniarfeqarfinni tamani abc-miit phd.-mut aallarnisaaneq tunngavigineqassasoq aammalu nutaaliarluni aallarnisaanerup ilinniarfinni peqataatinneqarnerulernissaa kiisalu ilinniarfeqarfinni atorneqarnerulernissaa sulissutigineqarluni.

IMARISAA

Siulequt	1
Ilinniartitsinissamut isumaliuutersuutit	3
Anguniagassat nalilersuinerlu	7
Ilinniartitsissutit ima atorneqassapput	13
Suliassat ilinniutillu	15
1 Hagnab – niviarsiarraq nutaaq	17
2 Imarisaanik anguniakkanillu paasissutissiineq	20
3 Sapiitsuliortut, ajortupiluit piginnaasallu	23
4 Inukkat - sapiitsuliortorsuit	26
5 Sapiippunga	28
6 Sapiitsuliortorsuuterput	32
7 Piginnaanivissuit	35
8 Paasisanik uteqqiineq	41
9 Naleqarnerulersitsineq	42
10 Nalilersuineq	46
Suleqatigiilluni ilinniutit	48
Unillatsiarnerit	50
Hagnab pillugu oqaluttuaq – niviarsiarraq nutaaq	53

Najoqqutassianut ukununnga saniatigut aamma allanik najoqqutassiaqarpoq, tassani-
lu suliaqarnissamut atugassat, saniatigut suliassat, angajoqqaanut allakkat allagartar-
suit ilaapput.

Saniatigut atugassat nittartakkakut aaneqarsinnaapput.



SANIATIGUT NAJOQQUTASSIAT

Najoqqutarisassat tamarmik uani atuagaaqqamiingillat, tassami ilai nittartakkakut aasassaammata printigassaallutillu.

Pineqartut suunersut ataani takusinnaavatit.

Saniatigut suliassat

Hagnab pillugu oqaluttuaq

Sapiitsuliortorsuarnik qalipaaneq

Ulloq piginnaasaniffiga

Oqaatsit titartakkallu atalikkit

Suliassat

Piginnaanivissuakka

Ulluinnarni sapiitsuliortorsuit suussusiinut isumassarsiat

Nalilersuineq

Allagartarsuit kortillu

Angajoqqaanut allagaq


Ilikkagassat pillugit allagartaliaq

Sammisat pillugit allagartaliaq

Allagartaq piginnaanivissuarnik qulinik imalik

Inukkat sapiitsuliortunik assitallit

Kortit assitallit






SIULEQUT

Atuarnermi piginnaasat nutaalioriaatsimilu piginnaasat eqqarsaatigalugit atuartut pikkoris-suussapput. Nuna tamakkerlugu misilitsittarnerup annertusiartornerata kingunerisinnaavaa atuartup misilittaanissaminut nutaaliorsinnaanissaminullu misilittaarusussuseerukkiartuaarnera. Taamaattumik pingaaruteqarpoq naqissusissallugu piginnaasat imminnut ataqatigiis-suteqartut; tamanna toqqaannarnerusumik oqaatigineqartariaqarpoq aammalu anguniak-kani, suliani nalilersuinernilu ersarinnerusariaqarluni. Atuartut paasinninnissaminnut sunillu naatsorsuuteqarfigineqarnerminnut ikorfartorneqartariaqarput.

Atuartitsissummi uani atuartitseriaatsit assigiinngitsut aallaavigineqarput atuarnermi, inuttut kiisalu inuit akornanni piginnaasat isiginiarnerullugit. Atualeqqaarnerminngaanniit nutaa-liorluni aallarnisaanerup qanoq atuartitsissutigineqarsinnaanera takutinneqarpoq taamaasil-lunilu aamma ilinniariaatsimi piginnaasaneriaatsimilu anguneqarumasuni iliuuserineqarsin-naasut assigiinngitsut naqissuserneqarlutik.




Najoqputassiami sammineqartut nunarsuarminnganneerput tupinnartuliamit – meeqqanit takorloorneqarsinnaasumit. Sapiitsuliortorsuit silarsuaanniippugut, tassanilu suliassat assigiinngitsut aqputigalugit meeqqat atuarnep iluani piginnaasaat, takorluueriaasiat, isumasarsioriaasiat kiisalu suleqatigeeriaasiat ineriartortinneqarsinnaavoq, soorluttaaq aamma atuartut inuttut nukittuffii, piginnaasai sapiissusiilu aamma ineriartortinneqarsinnaasut. Sammineqartuni atuartut avatangiisiminniittut atorlugit naleqalersitsissapput. Ilinniartitsissutillu siunertaraat atuartut suleriaasertit atorlugit imminnut takunerussasut aammalu piginnaasaminnik tatiginninnerulissasut kiisalu ineriartortoqassappat nutaanillu ilinniartoqassappat sapiisertoqartariaqarneranik piomassuseqartoqartariaqarneranillu paasinnikkiartuaalerumaartut. Siunertaavoq meeqqat namminneerlutik inuunerminni isiginnaartuuginnaratik aaliangiisinnaassuseqalernissaat.

Atuartitsissutit atorluarisigit!

mindthefuture

Henrik Guldbrandt, Anita Ousen aamma Anette Bjerregaard



ILIKKARTITSINIARNERMUT EQQARSAATERSUUTIT

Allanngorarneq

Ilinniusiap suliarineqarnerani suliat allanngorarnissaat pingaartinneqarsimavoq. Unillatsiarneqartassaaq aalallunilu ilinniartitsinerit atuartunut malinnaatitsissapput aallussititsissallutillu. Najoqqutassiap malinnerani qaqugukkut unillatsiartoqartassanersoq siunnersuutitaqarpoq. Qupperneq **50-imiit 52-mut** siunnersuuteqarpoq qanoq suleqatigiinnissamut ilinniartoqarsinnaanersoq aammalu unillatsiartoqarsinnaanersoq.

Uteqattaarinerit

Najoqqutassiami suliarineqartussat ilai uteqattaarput. Assersuutigalugu pinnguarnermi ilininarnermiluunniit periuseq uteqattaarneqarsinnaavoq imarineqartut allanngortinneqaannartarlutik. Tamannalu siunertarineqarsimavoq, tassami uteqattaarnerit sammisap ingerlanerani siumut takorluuilersitsisinnaammata toqqissimalersitsisinnaallutillu. Taamaasiornikkut atuartut imarisamik ilinniarnissaat pingaartinneqarnerussaaq pinnguariaatsimik nutaanik ilinniaqattaarnerminngaanniit. Najoqqutarisap malinnerani paasisanik aamma uteqqiisoqartarpoq, taamaaliortoqarporlu atuartut suut eqqaamasasaanersut, paasisasaanersut kiisalu suut suliasaanersut paasisinnaaniassammatigit.

Piffissamik killilersuineq

Sammisani arlalinni suliaq ingerlanneqartussaavoq piffissap aaliangersimasup iluani (piffissamik aqutsineq) atuartullu tassani nalunaaqutarsuarmik isigisaqarsinnaasariaqartassapput (assersuutigalugu smartboardimi). Atuartunut kajumissaataasinnaavoq suliassaq piffissap aaliangersimasup iluani naammassineqartussaanera, aammalu sulianut nalinginnaangitsunut suleriaaseqalersitsisinnaalluni toqqissimalersitsisinnaallunilu. Soorluttaaq aamma ilinniartitsisumut piffissaliussaq naagaangat suliaq unitsinneqarsinnaasassaaq, naak atuartut tamarmik naammassinngikkaluartut.




Eqimattanik pilersitsineq

Suleqateqarniarneq imaannaangitsuuvoq. Suleqatissarsiornissaannarluunniit aallaat atuartunut akunnattoornarsinnaasarpog toqqissisimanangissinnaasarlunilu. Suliassap annertussusaa suugaluartorluunniit ilinniartitsisut suleqatigiittussanik eqimattaliornissamut aqutsigunik meeqqat suliassap suussusaanut aallussissapput kikkut suleqatiginiarneqassanersut eqqarsaatiginagit.

Eqimattalioriaaseq assigiinngitsuusinnaavoq – assersuutigalugu atuartut pikkorissusaat, tunniusimassuseq, atuartut qanoq ittuussusii kiisalu nalaatsornerinnakkut toqqaariaaseq. Eqimattaliorniarnermi isumatusaarnersusaq suliassap suussusaa annertussusaa lu eqqarsaatigineqaaqqartarpata. Ilaanneeriarluni nalaatsornerinnakkut toqqaariaaseq aallaavigalugu eqimattaliortarnerup kingunerisinnaavaa atuartut atuartoqatimi qanoq inissisimanagera, piginaasaa assigisaatalu iluini akuersiartorneq suleqatigiinnissinnaassusinikkiartornerlu.

Nalaatsornerinnarmik eqimattalioriaaseq piffissap sivikitsup sivisuullu iluani ingerlanneqarsinnaavoq. Atuartut kisitsimmik tuniorarneqapallassinnaapput (1-it ataatsimuussapput – 2-t ataatsimuussapput il.il.). Immaqaluunniit allaalaartumik periuseqartoqarsinnaavoq, assersuutigalugu atuartut angissusertik, isigammi angissusaat, angerlarsimaffimmi normuat, inuuiat assigisaalu aallaavigalugit tulleriaaqquneqarsinnaapput, taamaasioreerpatalu aatsaat kisitsimmik tunioraasoqarluni (1-2-3-4 ; 1 – 1 – 1- ; 2 – 2 – 2 il.il.- eqimattap angissusaa aallaavigalugu).

Atuartut marlukkaassatillugit suleqatissaminnik ujarlertinneqarsinnaapput nipaatumik atuaqatimi akornanni ullaakkorsiutigisimasat assinganik nerisimasumik, nerisassani mamarinerpaasami assinganik mamarisallip, kiatip atukkap qalipaata assinganik atugallip il.il. nasaarineratigut.




Atuartut aallussisinnaanerit

Suliassat ilaanni atuartut suliaqarnerminni isiginiagassaat uani allattorsimasarput. Imaassinnaavoq naatsorsuutigisat aaliangersimasuusinnaasut, assersuutigalugu pingaaruteqarpat suliap sularinerani "oqaloqateqartoqassanngitsoq". Aamma imaassinnaavoq atuartoq imminut tatigiunnaarluni unittuussagaluarpas "Suliat allat suliaattulli torraatigivoq" oqaatigineqarsinnaassasoq. Siunnersuutigaarput suliap aallartinnginnerani tamakku maluginiarneqassasut, suliallu ingerlanerani aamma pisariaqartitsinerami maluginiarneqallattaasinnaasut. Atuartunut eqqaasitsisussamik allattarfissuarmut titartaasoqarsinnaavoq (assertuutigalugu oqaluttoqaqqusaanngitsillugu qaneq krydsiligaq).

Ilaanneeriarluni pitsaasarpoq aaliangersimasumik oqariartaaseqartoqaraangat (assersuutigalugu qulaani taaneqartoq), taannalu uteqattaarneqarsinnaavoq takisuumik nassuiaasaqattaanngikkaluarluni. Taaneqartut atuartut apeqqutigisaannut akunnattooqqajaanannullu iluaqutaanngippat, oqariartaaseq "Kukkusinnaanngilatit" assigisaaluunniit atuartunut iluaqutaasinnaasarput.

Naleqqussaalluni atuartitsineq

Atuartitsissutit sularineqarsimapput atuartut pisariaqartitaat ilikkariaasiilu assigiinngitsut aallaavigalugit. Assersuutigalugu atuartunut poqersunut saniatigut suliassaqqarpoq, atuartut asuli utaqqillutik siunertaqanngitsumik uninngaannannginnerussammata. Ilinniartitseriaatsitut allatuulli uani ilinniartitseriaatsimi atuartut naatsorsuutigisanut peqataasinnaanerit ajornakusoorsinnaavoq. Taamaattumik isumassarsiatsialaasinnaavoq atuartunut taakkununga ilikkagassat ataasiakkaat aallaavigalugit ilinniartitsisoqarsinnaanissaa.



Assersuutigalugu imaassinnaavoq atuartoq suleqateqarnissaminut ajornakusoortitsisoq, taamaattumillu pineqartoq kisimiilluni suliaqartassasoq, taamaasiornikkullu angusassat tunaartaralugit suliaqarsinnaalluni, atuartulluunniit suleqateqarsinnaalernissaa aallunneqarsinnaavoq, taamaasioraannili immaqa anguniagassat anguneqanngitsoorsinnaallutik. Imaassinnaavoq atuartut ilaat suliassani peqataasinnaalluortoq, taamaakkaluartorli sammisanut akuujuminaassinnaalluni. Taamaattoqassagaluarpat isumaqatigiittoqarsinnaavoq atuartoq inimini saniatugut allanik sammisassaqartinneqarsinnaasoq. Pisariaqartitsisoqartillugu atuartut pappiaqqamut A6-itut angitigisumut timeoutimik titartaatinneqasinnaapput, taannalu nerrivimmi makinneqartarsinnaavoq atuartut unillatsiarnermik pisariaqartitsillugit. Ilinniartitsisullu pappiaraq mumeqqissinnaavaa atuartoq suliaminik nangitsisariaqaleraangat sammisamulluunniit akooqqittariaqaleraangat. Atuartulluunniit namminneq piareeraangamik mumiinnartarsinnaavaat.

Atuartut atuartitsinerup iluani unammillernarnerusunik pisariaqartitsinerusut sammisap ingerlanerani ilinniartitsisumit allaaserisassat tungaatigut assigisaatigullu qaffasinnerusumik piumaffigineqarsinnaapput. Aammali immikkoortuni naleqqussaataasinnaasunik siunnersuuteqartoqartarpoq.

Portfolio

Immikkoortut ilaanni portfoliumut innersuussisoqartarpoq. Eqqarsaataavoq sammisap aallartinnerani atuartut mappinik tunineqassasut. Pappiaqqat ataasiakkaat ikineqarsinnaaniassammata mappit tasisartortallit atorneqarsinnaapput. Suliassat titartakkallu atuartut sammisap ingerlanerani suliarisaat portfoliomut ikineqartassapput. Eqimattakkuutaani pappiarartaqanngitsumik suliaqartoqartillugu assiliisoqarsinnaavoq assillu aniseriarlugit mappimut ikineqarsinnaallutik. Sammisap ingerlanerani portfolio aqqutigalugu atuartut suliarisimasami suuneri takusinnaavaat. Nalilersuinermilu atuartut sammisaq pillugu isummer-sortinniarnernani portfolio saqqummiinermi atorneqartussaavoq.



ANGUNIAGASSAT NALILERSUINERLU

Atuartut naatsorsuutigineqartut pillugit qinnuigineqartillutik, sianigisaminnik sianiginngisaminnilluunniit malinninniartarput. Nalilersuutigineqartut naammassiniarusunnartarput. Taamaattumik atuartitsissummi uani pingaartinneqarpoq atuartut ilinniagassaanni, sammisassaanni nalilersugassaannilu ersarissanissaq. Taamaattumik sammisaqarnermi uani ataatsimut anguniagassat, atuartullu ineriartorluarnissaanni anguniagassaannilu aallussassat aammalu nutaaliorluni aallarnisaanerup iluani ilikkagassatut anguniagassat qulit ilanngunneqarsimapput (allagartaliaq **takuuk**).

Atuarnerup paasisassallu iluini ilinniarneq nalilersoruminarpoq, taamaakkaluartoq anguniakkat 'oqinnerumaat', soorlu inuttut ineriartorneq, suleqateqarsinnaaneq nutaaliorsinnaassuserlu nalilersoruminaattarput. Taamaattumik taakkunani ilinniariaatsip nalilersorneqarnissaa pingaaruteqarneruvoq, taamaasiornikkummi meeqqap sammisani tamani ineriartornera ersarissarneqassamat oqaatigineqassallunilu. Taamaaliortoqarnissaanut nalilersuutit assigiinngitsut atorneqartariaqarput.

Atuartitsissummi uani atuartut anguniagassanut assigiinngitsunut nalimmassassapput, taamaattumillu ilinniartitsisumut atuartumullu ersarissarneqassaaq suna ilinniarneqarniarner-soq. Taakkualu saniatigut ilinniartitsisup atuartup ineriartorneranut takussutissat maluginiartariaqartassavai. Sammisap naammassinerani atuartoq nammineerluni sammisaq pillugu portfolioliani atorlugu isummersussaaq.



Ikiuussinnaaneq



ATUARTUT INERIARTORNERAT

Ilinniammi uani atuartut inuttut ineriartornerat pingaaruteqarpoq, sammisammi ingerlanerani nammineeruni ilikkarusussuseq, ineriartorusussuseq paasisanullu isumassarsianullu qisuariarsinnaassuseq aallaaviummat. Atuartut ineriartornerat aallaavigalugu atuartitseriaaseq aqqissuunneqassaaq atuartut:

- ilinniarusulersillugit
- ilikkariaatsiminnik atorluaasillugit
- inuiaqatigiinnut iliuuseqataarusulersillugit



NUTAALIORLUNI AALLARNISAANEQ ATUARTITSIFFIIT AKIMORLUGIT SAMMISARALUGU

Ilikkagassallu tassaapput iliuuseqarsinnaassuseq, nutaaliorsinnaassuseq, nunarsuarmut paa-sinnissinnaassuseq inuttullu inissisimaneq. Ilinniusiami uani inuttut inissisimaneq sammine-qangaatsiarpoq, meeqqat atualeqqaarnerminni tatigineqarneq namminerisamillu piginnaasat periarfissaasullu suuneri pingaartinneqartariaqarmata. Immikkoortuni taakkunani sisamani sammisami ilikkagassaq sorlermit aallaaveqarnerseq eqqaaneqartassaaq.

Iliuuseqarsinnaassuseq

Atuartut suleqatigiissinnaanerup attaveqarsinnaanerullu iluani piginnaasaannik ineriartortit-sinissaat isiginiarneqarsimavoq.

Ilikkagassat Allat oqaasiinut tusarnaarsinnaavunga
 Oqalunnginninni oqalussinnaanngornissara utaqqisinnaavara
 Nalunngilara misigisagut tamatta assigiinngitsut
 Ilisimasakka pillugit allat oqaluttuussinnaavakka
 Allat isumassarsiaannut tusarnaarsinnaavunga
 Suliarineqartussat suliariniarlugit suleqateqarsinnaavunga
 Isumassarsiamma misilittarnissaannut sapiissuseqarpunga
 Misigisakka pillugit allat oqaluttuussinnaavakka



Nutaalorsinnaassuseq

Atuartut nutaalorsinnaassutsip iluani piginnaasaqarnerini ineriartortitsisinnaaneq isiginiar-
neqarsimavoq.

Ilikkagassat

Sammineqartoq pillugu eqqarsaatinnik
isummannillu annissisinnaavunga

Takorluuisinnaassusera atorsinnaavara
Isumassarsiorsinnaavunga
Upperaara isumassarsiullaqqissuullunga



Takorluuisinnaaneq




Nunarsuarmut paasinnissinnaassueq

Iikkagassat

Nalunngilara assigiinngitsumik sapiissuseqartoqarsinnaasoq

Nalunngilara tamatta assigiinngitsunik piginnaasaqartugut

Avatangiisinniittut sumik pisariaqartitsinersut eqqarsaatigisinnaavara



Inuttut inissisimaneq

Ikkagassat

Nalunngilara sapiillisartoqarsinnaasoq

Pisariaqartitsigaangama ikiortissarsiorsinnaavunga

Nalunaraluartoq misileeqqissinnaavunga

Nalunngilara kukkusoqarsinnaasoq misileeqqittoqarsinnaasorlu

Nalunngilara piginnaasakka naleqartut

Nalunngilara piginnaasakka atuarfimmi atorsinnaallugit

Upperaara allanut allanngueqataasinnaallunga



Pineqqortussuseq




ATUARTITSISSUTIT IMA ATORNEQASSAPPUT

Atuartitsissutit ukua aaqqissuunneqarsimapput ilinniartitsisumut ilitsersuutitut, tassanilu sammisap ingerlanerani ilinniartitseriesissaq, ilikkagassat, imarisaa, sammisassat nalilersuinerillu allaaserineqarsimallutik. Atuakkap naanerani oqaluttualiaq 'Hagnab - niviarsiaaraq nutaaq', siunnersuutit kiisalu unillatsiarnermi suliarineqarsinnaasut aamma nassaarineqarsinnaapput.

Atuartitsissut ajornanngitsumik paasinartumillu aaqqissuunneqarsimavoq. Siullertut uani takuneqarsinnaapput saniatigut suliassat suunersut. Suliassat immikkoortumut 7-imut, 9-mut 10-mullu atugassiaapput, kiisalu sammisap ingerlanerani saniatigut suliassat aamma allatorneqarsimallutik, angajoqqaanut allagassaq aamma ilanngunneqarsimavoq, kortit piginnaanernik assitalit qulit ilanngunneqarsimapput, kortit sapiitsuliortut assiannik assitalit 30-it (atunnginnerini qiortagassat) aamma ilanngunneqarsimapput, allagartat pingasut klassimut nivinngagassat aamma ilaapput – taakkunani ataaseq anguniagassanik qulinik imalik, ataaseq sammisami qulit iserfigineqartussat kiisalu ataaseq piginnaanivinnik qulinik imalik. Kortit sapiitsuliortunik imallit ilaat tikkuaatitaqarpoq, taakkualu sammineqartussat pillugit allagartaliame aamma atorneqarsinnaapput. Pineqartut tamarmik nittartakkakut downloaderneqarsinnaapput.

Immikkoortuni tamani ilitsersuuteqarpoq sammineqartussallu siunertallu immikkut aamma itisilerneqarsimallutik. Tulliuttut iserfigineqartuaannartussat:

- Paasissutissiineq
- Ilikkagassat
- Piffissamik atuineq
- Atorneqartussat
- Sammisassat (toqqammaviliineq, suliaqarneq atuartullu eqqumaffigisassa at ilanngullugit)
- Naleqqussaalluni atuartitsineq
- Uteqqiineq



Sammisaqarneq atuartsitsinerni 30-t missaanni amerlassusilinni ingerlanneqartussatut naatsorsuussaavoq, pisariaqartitali aallaavigalugit nalimmassarneqarsinnaalluni. Sammineqartussat ilaat itisilerlugit iserfigineqarsinnaapput allat annikinnerusumik sammineqarsinnaapput ilaalli iserfigineqanngiinnarsinnaallutik – pissutsit aallaaviujuartussaapput. Taamaakkaluartoq siunnersuutigaarput suliani naggataarutaasuni piffissamik atuilluartaqassasoq eqqarsaatersuuteqartoqarsinnaaniassammat. Sammisaqarneq ullormut piffissaq sivikitsoq sivilunerusorluunniit atorneqarsinnaavoq, taamaakkaluartorli 1.klassinut 2.klassinullu suleriaaseq suliassallu nutaajummata ullormut atuartsitsinerni 2-4-ni sammineqartarissaa siunnersuutigineqarpoq.



SULIASSAT ILINNIUTILLU

1 HAGNAB – NIVIARSIARAQ NUTAAQ

Sapiitsuliortorsuit pillugit sammisaqalernerup aallartinnerani niviarsiarag Hagnab pillugu oqaluttualiaq atuartunut atuffassissutigineqassaaq. Ilikkarniagassat sammisarlu paasisstissiissutiginninnerini oqaluttuap atuartut soqutiginnilersissavai alapernaalersissallugillu. Oqaluttuag aallaavigalugu imarisat eqqartorneqarnerani takorluuisinnaassuseq aallaavigalugu sammisaqartoqassaaq, tassanilu atuartut ataasiakkaarlutik takorluuisinnaassusaat aallaaviussaaq. Ersarissarneqassaaq kukkusoqarsinnaanngitsoq – atuartullu tamarmik oqaluttuap imarisaanut eqqarsaatiminnik annissisinnaassasut. Taamaasiornikkut misigisat aallaavigalugit oqaasertalersuisoqarnissaanut periarfissiisoqassaaq – taannalu atuartuni ilaatigut suleqatigiinniarnissamut paasinnissutaasarpoq.

Ilikkagassat Oqaluttuamik tusarnaarsinnaavunga, sunalu sammineqarnerisooq oqaluttuarsinnaallunga
Oqaluttuag pillugu eqqarsaatikka allanut oqaatigisinnaavakka
Allat oqaasiinut tusarnaarsinnaavunga
Oqalunnginninni oqalussinnaanngornissara utaqqisinnaavara
Sammineqartoq pillugu eqqarsaatinnik isummannillu annissisinnaavunga
Nalunngilara misigisagut tamatta assigiinngitsut
Pinnguaammi nutaami malittarisassat ilikkarsinnaavakka malissinnaallugillu

Piffissamin atuineq Atuartitsinermit akunnerit pingasut missaat

Atugassat Oqaluttuag: **Hagnab – Niviarsiarag nutaaq**
Atuartunut mappit portofoliomut atugassat
Atuartunut tamanut pappiaqqat, aqerluusat qalipaattillu
Nalunaaqutaq angisooq
Pappiaqqat A3 marluk
Annoraaminermik arsaaraliaq aqitsoq assigisaaluunniit
Saniatigut suliassat



Hagnabi pillugu oqaluttuaq

Imaaliussaasi

Atuartut ataatsimut inissitseriarlugit ilinniartitsisup Hagnab pillugu oqaluttuaq atuffassissutigissavaa.

Atuartunut eqqumaffigisassat

Oqaluttuamut tusarnaassapput
Hagnab qanoq isikkoqarneris takorluuisinnaanerit
atorlugu takorluussavat
Atuffassisoqarnerani atuffassisoqareernaranilu
oqaluussaqaassanngilatit

Hagnabi titartarneqassaaq

Imaaliussaasi

Oqaluuttoqarani atuartut iniminnut ingeriarlutik pappiaqqamik, aqerluusamik qalipaatinillu tunineqassapput. Maanna atuffanneqarnerminni Hagnabi qanoq isikkoqarsinnaanerani takorluugartik titartassavaat. Ilinniartitsisup ersarissartariaqarpaa titartakkamut naatsorsuutini suunersut (angissusissaa, qalipaatinissai assigisaalu). Pingaaruteqarpoq atuartut imminnut oqaluutinnginnissaat, Hagnabimut takorluugaat sunnerneqaqinammata. Titartaanissamut minutsinik 15-it missaannik piffissaliigit. Smartboardikkut nalunaaqutarsualiigit arlaannulluunniit atuartut malinnaaffigisinnaasaannut nalunaaquttamik ilisigit. Piffissaq sioqqullugu naammassisunut saniatigut suliaakkiissutinik tunniussigit.

Atuartunut eqqumaffigisassat

Illit takorluuisariaatsit atoruk
ILLIT Hagnabimut takorluukkatit pineqarput
Illit takorluukkat allat takorluugaattut torraatigivoq
Titartaalluarniarsarigit

**Siunnersuutigineqarpoq una sammisap naammassinerani timi
aalatinneqassasoq unikkallartoqassasorluunniit
qupperneq 50-miit 52-mut misissuataaruk**



Titartakkanik uteqqiineq

Imaaliussaasi

Atuartut marlukkaassapput. Titartakkatik paarlakaajaallutik oqaluttuarissavaat, assigiissutaasinnaasut assigiinngissutaasinnaasullu sanilliunneqassallutik. Atuortoq minutsi ataaseq oqaluttuarsinnaassaaq. Taassuma kingorna atuartut tamanut saqqummiussissapput. Ilinniartitsisup pappiaqqat A3-it allattarfissuarmut nivinngassavai, pappiaqqami siullermi ASSIGIINNGISSUTIT allanneqassaaq aappaanilu ASSIGIINNGISSUTIT allanneqassalluni.

Ataatsimoorluni assigiissutsit assigiinngissutsillu eqqartorneqartut aallaavigalugit pappiaqqat immersorneqassapput (assersuutigalugu nujai qorsuit) suullu assigiinngissutaanersut (kiinaata inissisimanagera, atisaata qalipaatai assigisaalu).

Taassuma kingorna ilinniartitsisup mappit portfoliotut atugassat atuartunut tunniussuutissavai. Atuartut atitik mappimut allassavaat, titartagartillu ikillugu (titartakkat iikkamut nivinngarneqarnianngippata).

Atuartunut eqqumaffigisassat

Titartakkat tamarmik 'kukkunngillat'
Assigiinngitsumik maluginiagaqartarpugut,
takorluueriaaserpullu assigiinngilaq

Arsalerineq – oqaluttuamik uteqqiineq

Sooq taamak sammisaqartoqassava

Arsalerinermi uani atuartut oqaloqatiginnittariaatsimik allaanerusumik misiliissapput. Sammisaq aallaavigalugu atuartut malinnaassapput tusarnaarlutik kiisalu atuartut tamarmik oqaaseqassallutik. Atuartut imminnut "angertassapput", ataatsimut oqaluunniarneq toqqisimanagerartumik nuannersumillu ingerlanniarlugu. Tusarnaassapput arsallu inunnut tulleriaarnera eqqaamaniassallugu kiisalu arsaq tunngikkaangamikku apeqqummut akissuteqartassallutik. Tulleriaarineq puigorneqaraangat imaluunniit akissutissaqartoqanngitsillugu inissaqartitseqatigiinnissaq eqqaamaneqassaaq. Pinnguarneq una aallaavigalugu meeqqat sukkasuumik eqqarsarsinnaassusaat isumassarsiaminnillu malinnissinnaassusaat sungiusarneqassaaq, imaassinnaavoq ilaanni malinnaaniarneq, akissuteqarniarneq, tulleriinnik eqqaamanninniarneq, "angernissaq" naloriussinissaq akorsinissarlu eqqaamajuminaatsut.




Imaaliussaasi

Atuartut iloqqasunngortinneqassapput (issiasinnaapput). Ilinniartitsisup arsaq siulliulluni atuartumut naloriutissavaa. Atuartup akorsisup arsaq atuaqatiminut sanileringisaminut ingerlateqqissavaa. Atuartup arsaq naloriutereeruniuk assani niaqquminut ilisavai, takutinniarlugu arsaq tigoreernikuullugu. Arsamik tigumminikumut arsaq uterteqqinneqarsinnaanngilaq. Atuartut tamarmik arsaq tigoreerpassuk, tulleriarineq eqqaamaneqassaaq. Pinnuaat ilinniarniarlugu ataasiarlusi marloriarlusiluunniit sungiusaqqaritsi. Atuartoq oqalutsikkusutat siulliullugu misiliisissinnaavat. Misiliinerit naammassippata ilinniartitsisoq apeqquteqassaaq atuartup arsaq tigugaangagu akineqartartussamik. Massakkut assat qullarneqartariaqarunnaassapput, taamaakkaluartoq atuartut kikkut arsamik tigusereersuunersut kiisalu tigusinikut tulleriaarneri eqqaamaniarsarissavaat. Atuartup apeqqut akigaangagu atuartut sinneri taarmik "aap"-imik nillertassapput. Pisariaqanngilaq atuartut tamarmik apeqqut aallartissutaasoq akissagaat, ilinniartitsisormi arsap ingerlaarnera unikkallarieriarlugu nutaamik apeqqusiorsinnaammat, imaluunniit atuartut nutaamik apeqqusiortinneqarsinnaapput. Taamaasiortoqarneratigut arsap atuartut kingullit tuffigisai apeqqummut nutaamut akinneqqaartuusassapput. Nammineq aaliangerneqassaaq qasseriarluni pinnguaat uteqattaarneqassasoq, aammalu arsat ingerlaariaasia allanngoqattaartinneqarsinnaanera.

Apeqqutit

Hagnabi kinaava?
Sunaana immikkuullarissutigigaa?
Sunartaa nuannaraasiuk nunaarinngilisiuk – soorlu?
Sooruna kammalaatini ikiorai?
Sooruna aallaqqittoq?
Kikkuugamik Malik, Piitaq Andalu?
Naggataatigununa Anda susoq?
assigisaalu.



Atuartunut eqqumaffigisassat

Naammagittaritsi
Immissinnut tusarnaaritsi
Atuaqatitsi ikiorsigit

Naleqqussaalluni atuartitsineq

- Atuartut unammillerneqarnissaminnik
pisariaqartitsisut assersuutigalugu
- Hagnabimik titartakkaminnut
allagartalersuisinnaapput
 - iPadimut pappiaqqamulluunniit Hagnab pillugu
oqaluttualiaq nangissinnaavaat

Uteqqiineq

Atuartut suut suliareqqammeneraat oqaloqatigiissutigisigit, suut eqqaamasinnaavaat, suut nuannaraat, suut immikkut misigisaqarfigaat assigisaa-lu. Nutaanik ilikkagaqarpat? Arlaat nalunarpa? Immikkoortumi ilikkagassat aallaavigalugit oqaloqatigiinneq ingerlanneqarsinnaavoq.



Tusarnaarsinnaaneq



2 IMARISAANIK ANGUIAKKANILLU PAASISSUTISSIINEQ

Uani atuartut sammisassaq pillugu saqqummiiffigineqassapput. Hagnabi piginnaasalu imikkuullarissut oqaluttuarineqarnerani suna pineqarniarnersoq iserfigipajaareerpaat, maannakkulli aatsaat sapiitsuliortorsuit sammineqarniartut paasissutissiiffigineqassapput. Sammisassami immikkoortut sammineqartussat ilikkagassallu saqqummiunneqassapput nassuiaatigineqassallutillu, taamaasillutillu atuartut naleqartinneqarniarnersut suunerinik piginnaasallu ilinniarneqarniarnersut suunerinik paasisaqassallutik.

Maluginiaruk atuartut ilikkagassat oqaatsillu nutaat assigiinngitsut pillugit paasissutissiiffiginiarneri unammillernartoqarsinnaammat. Atuartut aallaavigalugit ilikkagassani quliusuni sorliit saqqummiutissanerlugit nalilersoruk, imaassinnaavoq aamma saqqummiutinngiinnasagitit. Periarfissammi aapparaa anguniakkat suliassat aallaavigalugit saqqummiunneqartarissaat.

Ilikkagassat Nalunngilara anguniagassat suunersut
Nalunngilara sammisassami uani suut ilikkassanerlugit

Piffissamik atuineq Minutsit 45-t missaanni

Atorneqartussat **Anguniagassat** pillugit allagartaliaq
Sammisat pillugit allagartaliaq
Kortit assitallit tikkuartuutitallit (kortit **sapiitsuliortortallit** akornanniipput)

Qorsuk, sungaartoq aappalutturlu

Sooq taamak sammisaqartoqassava

Ilikkagassat sammineqarnerini atuartut malinnaaniassammata aalalaartoqarnissaa eqqarsaataavoq. Sammisassaq qalipaatinut qorsummut, sungaartumut aappalaartumullu tungavoq. Qalipaata aaliangersimasumik aalariaaseqarpoq, atuartullu iliuuseqarnermikkut akissuteqartassapput. Taamaasiornikkut ilinniartitsisoq atuartut paasinnittariaasiannik paasisaqapallassaaq.



Imaaliussaasi

Allagartaq anguniagassanik qulinik imalik nivinngarneqassaq. Ilinniartitsisup atuartut issiavimmi saniani inissaqarluaqqussavai. Tassanilu qalipaait isumai saqqummiunneqassapput:

Qorsuk	Atuartup nalunngilaa qanoq isumaqartoq nassuiarsinnaallugulu
Sungaartoq	Oqaatsit tusareernikuuai, qanorli isumaqarnersut iluamik ilisimanagu
Aappaluttoq	Oqaatsit pineqartullu suunersut naluai

Atuartoq ima akissuteqartassaaq:

Qorsuk	Nikuerialuni assani qullartassavai
Sungaartoq	Nikuissaaq qeqqiinnassallunilu
Aappaluttoq	Natermut ingissaaq

Aallaqqaammut atuartut issiavimminni issiassapput apeqquteqartoqarpat akissuteqarsinnaaniassagamik. Atuartut akissutitut qanoq iliornissamik misilittaareerunik, ingeqqissapput, ingippatalu allagartami ilikkagassaq siulleq ilinniartitsisumit atuarneqassaaq. Atuartullu akissuteqassapput 'qalipaait' takutinneratigut. Atuartut qorsummik akissuteqarpata, qanoq paasinnissimanersut aperineqarsinnaapput, taamaasiornikkullu ataatsimut suut anguniagaanersut eqqartorneqarsinnaapput.

Atuartut erseqqissaaffigineqassapput qalipaait allanngortinneqarsinnaammat, tassa paasinneriarunik qalipaait allanngorsinnaammassuk. Soorunami siunertaavoq atuartut naggataatigut tamarmik qorsuunissaat.

**Siunnersuutigineqarpoq una sammisap naammassinerani timi
aalatinneqassasoq unikkallartoqassasorluunniit
qupperneq 50-miit 52-mut misissuataaruk**



Sammissami iserfigineqartussat

Imaaliussaasi

Sammissami iserfigineqartussat iikkamut nivinngarneqassapput. Ilinniartitsisup allaqqasut atuassavai, atuartullu aperineqassapput suut iserfigineqareersimanersut. Tikkuuat sammineqartumut saatsinneqassaaq, sammisarlu allanngoraangat nikisinneqartassalluni, taamaasilutik atuartut sammissami sumut killinnertik takusinnaasassavaat.

Naleqqussaalluni atuartitsineq

Atuartut unammillerneqarnissamik pisariaqartitsinerusut assersuutigalugu allagartami itisilernerorusutaminnik toqqaasinnaapput.

Uteqqiineq

Ilikkagassat paasiuminaappat?

Eqqaamavisiuk sammisaqarnitsinni suut ilikkarneqassanersut?

Sammisaqarnitsinni suut erininarnerpaappat?



3 SAPIITSULIORTORSUIT, AJORTUPILUIT PIGINNAASALLU

Uani atuartut sapiitsuliortorsuit silarsuaannut isernerussapput, tassanilu namminneerlutik sapiitsuliortorsuarnut ajortupilunnnullu ilisimasaat aallaaviussapput. Atuartorpassuit sapiitsuliortorsuit silarsuaannut soqutigisaqartartorujussuusarput, atuartullu paasinnittariaasiat aallaavigigaanni atuartunut sammisaq kajuminnarnerussiaaq ilisimasatillu naleqartutut misigilissallugit. Uanilu ilinniartitsisup atuartut sammineqartoq pillugu suut ilisimaneraat paasi-niassavai, atuartullu sammisamut ilisimasaqarpallaanngitsut atuaqatimit ilisimasaat aallaavigalugit paasisaqassallutik.

Ilikkagassat Sapiitsuliortorsuit suusut nalunngilakka
Ilisimasakka pillugit allat oqaluttuussinnaavakka

Piffissamik atuineq Minutsit 30-45-t missaanni.

Atortussat Kortit oqaasertallit sisamat pappiara A4 atorlugu sananeqassapput allanneqassallutillu: AAP, NAAMIK, ?, Paasisaqarnerorusuppunga. Natermulli aamma kridti atorlugu allanneqaannarsinnaapput. (Kortiliortoqassappat sananeqartut immikkoortoq 8-mi aamma atoqqinneqaqqissinnaapput).

Hertugeqarfik

Sooq taamak sammisaqartoqassava

Ilinniummi atuaqatigiit iluanni oqaloqatiginnittariaaseq nutaaq misilittarneqassaaq, tassanilu atuartut issiaannarlutik apeqqutinut akisaqattaaginnaratik nikeqattaartinneqassapput. Kii-salu atuartut ataasiakkaat akissutiminnik itisiliigaangata ilinniartitsisoq atuaqatigiit qanoq ilisimasaqartiginersut paasisaqassalluni. Siunertaavorlu atuaqatigiit amerlanerpaat AAP-imu-karnissaat, pinnguaatip atuartut tusarnaarnissamik kajumissuseqalersissinnaavaat.



Imaaliussaasi

Atuartut tamarmik inip qeqqanukassapput. Hertugeqarfimmiilerput, peqqussutillu malinneqartariaqalerput. Teqeqqunut kortit oqaasertallit ilineqassapput:

AAP	Atuartup akissutini allanut nassuiaatigisinnaavaa
NAAMIK	Atuartup apeqqutigineqartoq akisinnaanngilaa
?	Atuartoq akisinnaagunaraluarpoq, kisiannili nassuiaasinnaanani
Paasisaqarnerorusuppunga	Atuartoq apeqqutissaqarpoq

Akissutigineqarsinnaasut eqqartorneqassapput, ilinniartitsisoq apeqquteqartassaaq atuartullu kortinukarnermikkut akissuteqatassallutik. Atuartut namminneerlutik sumiiffimmut toqqaanerat akuersaarneqassaaq. Hertugi nuannaarnerpaasarpoq atuartut tamangajammik AAP-imiikkaangata. Atuartut inissereeraangata AAP-imiittut ilisimasaminnik oqaluttuartsapput. Ilinniartitsisup itisiliissutinik apeqquteqartassaaq, taakkualu aqqutigalugit atuartut amerlanerit AAP-imukarsinnaasassapput (atuartut AAP-i NAAMIK-miit Paasisaqarnerorusuppungamiilluunniit eqqornerusumik isigigaangassuk). Taassuma kingorna atuartut qeqqanukaqqittassapput, apeqquteqartoqaqqittassallunilu.

Apeqqutit	Sapiitsuliortorsuarnik ilisimasaqarpit (suut)? Sapiitsuliortorsuit suunersut nassuiaatigisinnaavigit? Piginnaasanik ilisimasaqarpit (suut)? Pippi Langstrømpe sapiitsuliortorsuua (sooq)? Ajortupilunnik ilisimasaqarpit? Assigisaalu..
------------------	---



Atuartunut eqqumaffigisassat

Nammineq sumukarsinnaanersutit aaliangissavat
Allat oqaasiinut tusarnaarit
Naammagittarit, eqqaamallugulu tamatigut
oqaaseqartuaannarsinnaannginnavit

Naleqqussaalluni atuartitsineq

Atuartut unammillerneqarnissaminnik pisariaqartit-
sisut assersuutigalugu sapiitsuliortorsuarmik ajortupi-
lummilluunniit pilersitsisinnaapput, taannalu silarsu-
armi kammaalluarnepaassaaq/kamaanneqarner-
paassaaq, ilinniartitsisuulluarnepaassaaq, aningaase-
rivinnut tillinniallammaassaaq imaluunniit ajortupilu-
nerpaassalluni. Pineqartoq qanoq piginnaaneqassa va?

Uteqqineq

Ilinniartitsisup immikkoortumi ilikkagassat
saqqummiuteqqissavai.



Takutitsisinnaaneq



4 INUKKAT - SAPIITSULIORTORSUIT

Inukkat sapiitsuliortorsuit atorlugit atuartut, sapiissuseq, sukkassuseq, nukittussuseq, iliuuseqarsinnaassuseq, piomassuseq misiginneqataasinnaassutsillu suuneri iserfigissa-vaat. Atuartut sapiitsuliortorsuit silarsuaannut paasisaqassapput pinngussamik unamminer-talimmik kajumissaaserneqarnermikkut. Taannalu aqqutigalugu pinnguaatip qanoq aqqis-suunneqarnera qanoq iluatsitsisoqarsinnaanersoq kiisalu kisitsit sorleq annerpaajunersoq ilinniarneqassalluni. Pinnguaat aallaavigalugu kikkut aaliangersimasunut pikkoriffeqarner-
sut kikkullu allanut pikkorinnerusut paasineqartassaaq, inukkani kakkannerpaaqaranilu sanngiin-nerpaaqanngilaq.

Ilikkagassat Kisitsit annerpaaq nassaarisinnaavara
Pinnguaammi nutaami malittarisassat ilikkarsinnaavakka
malissinnaallugillu

Piffissamik atuineq Minutsit 45-t missaanni

Atortut Kortit **sapiitsuliortut** assinganik assitallit 30 x 5
(qiortassapput/killussapput)

Inukkat sapiitsuliortorsuit

Imaaliussaasi

Inukkat sapiitsuliortorsuit inatsisillu atuartunut nassuiaatigineqassapput. Taassuma kingorna atuartut tallimanut avinneqassapput, eqimattakkuutaartinneqassallutillu. Inukkat aalaterne-qassapput ilaasullu amerlaqatigiinnik inukkerneqassallutik. Kina periaqqaassanersoq makit-sissutigineqarsinnaavoq. Ilaasut inukkatik allanut takutinnagit ammut saallugit saaminnut ilissavaat. Naammasseqqaartup inugaq nukittunerpaasorisani (annerpaamik kisitsisitalik) sorleq unammissutaassanersoq (ass. sapiissuseq) aaliangissavaa.



Maanna ilaasut tamarmik unammissutigineqartumi inugarisatik tamaasa mumissavaat, annerpaamillu inugallip makinneqartut tamaasa pinnatarissavai. Naligiittoqartillugu makitsisoqartassaaq unammissutigineqartumilu annerusoq ajugaassalluni; pinnatarisat allerpaa ngortinneqassapput, unamminerlu ingerlaqqissalluni. Inukkat tamakkerneqaraangata ajugaasoqartarpoq. Unamineq ingerlalluassappat uteqattaarneqarsinnaavoq. Piffissap ingerlanerani eqimattat iluini atuartunik paarlaattoqarsinnaavoq. Sammisap ingerlanerani pisariaqartitsisoqartillugu inugarneq allamut saasaataasinnaavoq.

Atuartunut eqqumaffigisassat

Ikioqatigiillusi kisitsit annerpaaq nassaarisarsiuk
Inatsisit malillugit unammigitsi
Ajorsaraluaruit ajugaagaluaruilluunniit pissutsit
aaliangersimasuutiguk


Naleqqussaalluni atuartitsineq

Atuartut unammillerneqarnissamik
pisariaqartitsisut assersuutigalugu

- inukkani inuttaq aaliangersimasooq malillugu piginnaasai aallaavigalugit unammiffissamik titartaasoqarsinnaavoq sanasoqarsinnaalluniluunniit
- inuttat marluk unammisut titartarneqarsinnaapput
- inuttani sorleq piginnaasat aallaavigalugit nukittunerpaanersoq misissorneqarsinnaavoq (lommeregneri ator neqarsinnaavoq)

Uteqqiineq

Piginnaasat eqqartorneqassapput (eqqaamallugu tulliuuttumi "sapiissuseq" itisilerneqassammat). Ulluinnarni piginnaasat sorliit atugaraagut? Qanoq isumaqarpat? Atuartut inukkerinermi misigisaat apersuutigikkit. Nuannerpa? Nalunarpa? Ikioqatigiillaqqippat? Inugaataarukkiartorneq ajorsarnerlu qanoq misinnarpat? Unammeriaaseq atorlugu ilikkartoqarsinnaava? Immikkoortumi uani ilikkagassat oqaloqatigiinnermut isumassarsiorfusinnaapput.



5 SAPIIPPUNGA

Inuunermi sapiissuseq sutigut arlalitsigut pingaaruteqarpoq – minnerunngitsumik ilinniasagaanni, ineriartussagaanni misilittaassagaannilu. Ineriartornissamullu nutaaliorsinnaanermut isumassarsiornissamullu sapiissuseq aamma pingaaruteqaqaaq. Uani immikkoortumi sapiissuseq itisilernerqassaaq, qaqugukkullu sapiittuusariaqarneq eqqartorneqassalluni. Inuit tamarmik sapiissuseqarneri pillugit paasissutissiissutigineqassaaq, sapiissutsilli assigiinngitsuupput. Sapiitsuliortorsuit ulorianartunik periuseqartaraluartut imaangilaq allanit sapiinnersut, allanimmi peqquteqartaramik.

Iikkagassat Nalunngilara assigiinngitsumik sapiissuseqartoqarsinnaasoq
Nalunngilara sapiillisartoqarsinnaasoq


Piffissamik atuineq Minutsit 90-it missaanni

Atortussat Titartaassutissat sanassutissalluunniit (pappiaqqat, qalipaait, Legot marraat assigisaalu)

Paaseqqaagassat

Imaaliussaasi

Ilinniartitsisup atuartut aperissavai sapiissuseq qanoq isumaqarnerisooq aammalu sapiitsuliortorsuit sapiitsuunnersut (soorlu). Atuartut isummatik oqaatigissavaat.



Sapiinneq iserfigeqqillugu

Imaaliussaasi

Sapiissuseq pillugu nassuiaat ataani allassimasoq pillugu atuartut oqaloqatigikkit

“Sapiissuseq tassaavoq nutaanut, nalunartunut ulorianartunulluunniit iliuuseqartoqarnera. Tamatigut sapiitsuliorneq paasineqarneq ajorpoq. Sapiissuseq ”atorlugu” iliuuseqartoqarsinnaavoq, naak tunniutiinnartoqarusukkaluartoq – imaassinnaavoq sapertutut misigisoqartoq, sorusunngikkaluartoq, illaruaatigitikkusunngitsoq, annerusunngitsoq assigisaalu. Sapiissutsip qanoq iliornerit paasissutissiissutigineq ajorpaat, misigissutsinulli attuumassuseqarluni!”

Atuartut aperikkit sapiitsuliorartoqartillugu qanoq misigisoqartarnersoq.

Atuartut tulliuttut qanoq isumaqarneri pillugit oqaloqatigikkit

- Sapilerneq (susinnaanngilanga; susussamut annilaangavunga; nuanninngilaq)
- Sapiiserneq (nalunaraluartoq misiliivunga; pisinnaasorivunga)
- Sapersiineq (sianigit ulorianarpoq; imaaliorsinnaanngilatit; ersitoqaatit saperpat)



Nukiit



Atuaqatissinni kina sapiitsuua?

Imaaliussaasi

Ilinniartitsisup sapiissusillit inip qeqqanut nikueqqussavai. Taakkua assersuutigalugu sapiissuseqarnerminnik oqaluttuassapput.

Atuartut tulliuttut pillugit oqaloqatigineqassapput:

“Nikuittut imminnut qanoq isiginerlutik takutitsisinnaagamik sapiissuseqarput. Is-siaannartullu aamma sapiissuseqannginnermik misiginnerminnik takutitsisinnaasuseqaramik sapiissuseqarput! Imaassinnaavoq sapiinnerorusukkaluartusi, kisiannili inuunissinni tamassi sapiissuseqarpusi – immaqa naluinnarparsi? Ineriartussagaanni, ilinniassagaanni nutaanillu misilittaassagaanni sapiissuseqartariaqarpoq. Eqqarsaatigeriarsigit nuunuaqqat misilittaalillaraangata; sapiissuseqaramik sapikkaminnik ilinniarput.”

**Siunnersuutigineqarpoq una sammisap naammassinerani timi
aalatinneqassasoq unikkallartoqassasorluunniit
qupperneq 50-miit 52-mut misissuataaruk**



Sapiippunga

Imaaliussaasi

Atuartut sapiillisaarnikuunerminnik eqqarsaateqassapput. Aallartinniarneq ajornakusoorpat ataatsimut brainstormertitsisoqarsinnaavoq. Atuartullu – ilinniarititsisup neqeroorutigisai aallaavigalugit - namminneq aaliangissavaat qanoq saqqummiusseriaaseqassanerlutik. Imaassinnaavoq tegneseriat, marraat Legot titartaanerluunniit atorneqartut meeqqalluunniit allallutik oqaluttualiortut. Suliassamut piffissaliigit – ass. minutsit 20-t. Naammassigussi atuartut sammineqartoq pillugu misigisatik eqqartortussavaat – marlukkaarlutik eqimattakkuutaarlutilluunniit. Atuartullu 2-3 atuaqatiminnut suliaminnik saqqummiissapput.

Naleqqussaalluni atuartitsineq

Atuartut unammillerneqarnissamik pisariaqartitsisut assersuutigalugu:

- Qaqugukkut atuarfimmi sapiissuseqartariaqarnerminnik assersuusiussapput
- Tegneseria atorlugu ”Ulloq sapiillisaallarama” pillugu oqaluttualiussapput

Uteqqiineq

Atuartut titartakkatik, sanaarisalluunniit assii portfoliomut ikissavaat. Immikkoortumi ilikkagassat aallaavigalugit uteqqiigitsi. Atuartut qassit maanna sapiissuseqarsorilerpat?



6 SAPIITSULIORTORSUAATERPUT

Atuartut maanna sapiitsuliortorsuit ajortupiluit sapiissuserlu pillugit paasisaqarneroreerput. Uani atuartut suleqatigiillutik takorluueriaasertik pilersitsisinnaassusertillu atorlugit sapiitsu-liortorsuarmik pilersitsissapput. Suliap ingerlannerani atuartut isumassarsionermik, toqqaa-nermik isummanillu ineriartortitsinermik misilittaassapput. Pilersitsiniartoqassaaq, kisiannili eqimattat suleqatigiissinnaassusaat isumassarsioqatigiissinnaassusaallu sammineqarnerus-saaq. Ilinniartitsisoq suliap ingerlanerani unillatsiartitsisinnaavoq, suleqatigiinniarnermilu ajornartorsiutaasinnaasut oqaluuserineqarsinnaallutik. Eqimattat namminneerlutik ajornar-torsiutiminnik saqqummiissapput aaqqiissutaasinnaasumillu siunnersuuteqassallutik.

Ilinniartitsisumit eqqumaffiginiarneqassaaq isumassarsiap "ipisinnginnissaa". Isumassarsiaat pillugu soqutiginnittumik apersuisoqarsinnaavoq, assersuutigalugu:

Assaa pissanganaq – taava susoqarpa?

Qanoq isillusi taamak isumassarsigassi?

Qanoq isillusi isumassarsiarsi ingerlateqqissinnaavisiuk?

likkagassat

Takorluuisinnaassusera atorsinnaavara

Isumassarsiorsinnaavunga

Upperaara isumassarsiullaqqissuullunga

Allat isumassarsiaannut tusarnaarsinnaavunga

Suliarineqartussat suliariniarlugit suleqateqarsinnaavunga

Pisariaqartitsigaangama ikiortissarsiorsinnaavunga

Nalunaraluartoq misileeqqissinnaavunga

Nalunngilara kukkusoqarsinnaasoq misileeqqittoqarsinnaasorlu



Piffisamik atuineq Atuartitsinermi akunnerit 4-6

Atortut Nerrivik atorineqarsinnaasunik assigiinngitsunik immerneqarsinnaavoq, atuartullu pisariaqartitaminnik aallersinnaapput isumassarsiorsinnaallutillu. Pilersitsisoqarniarnera apeqqutaalluni atortorineqarsinnaasut assigiinngillat: pappiaqqat, kartonit qalipaattillit, aviisikut, nipittartoq, qalipaattit, attatit, pujortaatinut saligutit, atisakut, kamippaat puukui, Legot, Kaplakit, Plus Plusit, marraat assigisaallu.

Sapiitsuliortorsuaaterput

Sooq taamak sammisaqartoqassava

Atuartut misigissavaat – oqaasiinnaassanngitsoq – atuarfimmi saqqummersitsisariaatsit assigiinngitsut atorineqarsinnaasut. Suliami uani saqqummersitsineq pingaarnepaanngilaq, atuartulli sammineqartumi misigisaat pingaarnellutik.

Imaaliussaasi

Ilinniartitsisup ”sapiitsuliortorsuaq ikiuukkumatoq” allattarfissuarmut allassavaa. Atuartut sapiitsuliortorsuaq qanoq ittoq kammagerusunnerlugu sumillu ikiuuttassanersoq eqqarsaatigissavaat. Siunnersuutigineqartut allattarfissuarmut allanneqassapput/titartarneqassapput. Atuartut eqimattanut 2-4-nut avinneqassapput – brainstormernermi isumaqatigiiaat ataatsimoortinneqarsinnaapput. Eqimattat suut isumassarsiarinerlugit eqqartussavaat atuartullu tamarmik takorluukkaminnik titartaassapput. Qanoq isikkoqarpa? Susinnaava? Taassuma kingorna atuartut isumassarsiaat ataatsimoortinneqassapput, eqimattamilu sapiitsuliortorsuaq ataasiinnanngortinneqassaaq. Maanna ataatsimoorlutik sapiitsuliortorsuaq ineriartortissavaat. Inuttaa, sakkui, atortui, atisai inaa assigisaalu sananeqarsinnaapput. Suliat karsip iluani sananeqarsinnaapput, titartagaasinnaapput, collagesinnaapput, Legosinnaapput, Plus Plususinnaapput, marraasinnaapput, Piccollagesinnaapput (app) assigisaalu.




Siumut suliaq qanoq sivilutigisumik ingerlanneqassanersoq aaliangerneqassaaq. Pisariaqartitsisoqartillugu saniatigut suliakkiisoqartarsinnaavoq. Piffissaq naappat eqimattat atuaqatiminnut suliaq saqqumiussinnaavaat, naammassigunillu suliaq atuarfimmi ersittumut saqqummiunneqassallutik.

Atuartut eqqumaffissaat

Eqimattakkuutaani suleqatigiinnissaq pingaaruteqarpoq
Isummersornissannut sapiillisaartassaatit
Allat isumaannut inissaqartitsigit

Uteqqiineq

Atuartut titartakkatik sanaarisatilluunniit assileriarlugit portfoliomut ikissavaat. Immikkoortumi ilikkagassat aallaavigalugit eqqartuisoqassaaq – arlaannik aaliangersimasumik ilinniagaqarpisi? Pilersitsiniarneq isiginieruneqassaaq. Suna nuannerpa? Suna ajornarpa? Atuartut eqimattakkuutaarnerminni misigisaat nuannersoq titartarneqassaaq.



7 PIGINNAANIVISSUIT

Immikkoortumi uani iserfigineqassaaq sapiitsuliortorsuunngikkaluarluni immikkuullarissunik nalilinnik piginnaaneqartoqartartoq imminermut allanullu pingaaruteqartunik. Pingaaruteqarpoq piginnaasat atuarnep iluani aamma naleqartinneqarnissaat, taamaattumik atuartunut erseqqissarneqassaaq kikkut tamarmik arlaatigut tunniussisinnaasut, naak piginnaasat assigiinngikkaluartut.

Ikkagassat Nalunngilara piginnaasakka naleqartut
Nalunngilara piginnaasakka atuarfimmi atorsinnaallugit
Nalunngilara tamatta assigiinngitsunik piginnaasaqartugut

Piffissamik atuineq Atuartitsinermi akunnerit 4-5

Atortussat Saniatigut suliassat
Allagartarsuaq piginnaanivissuarnik qulinik imalik
Inukkat piginnaanivissuarnik imallit
Allattuiffissaq: piginnaanivissuakka



Naammagittarsinnaassuseq




Piginnaasat pillugit suliaqarnissamut paasissutissiineq

Imaaliussaasi

Ataani allassimasoq pillugu atuartut oqaloqatigikkit:

"Tamatta assigiinngitsunik ullut tamaasa atortakkatsinnik piginnaaneqarpugut. Piginnaasagut uagutsinnut nalinginnaangaarmata ilaanni eqqarsaatiginngitsoortarpagut immikkuullarissuusut. Taakkualu piginnaanivittut taaneqarsinnaapput. Sapiitsuliortorsuit assigiinngitsunik piginnaanivissuaqartarput, soorlu uagut assigiinngitsunik atortuaannakkatsinnik piginnaaneqartugut. Atualeraanni eqqarsaatigeqqajaanartarpoq qanoq atuffaritsiginerluni, kisitsillaqqitsiginerluni issiallaqqitsiginerluniluunniit. Allarpassuarnilli aamma piginnaaneqartoqarsinnaavoq ilinniartoqarsinnaallunilu. Taamaatumik piginnaaniviit assigiinngitsut qulit sammissavagut eqqarsaatigissallugulu sorliit uagutsinnut tulluarnerunersut.."

Ersarissarneqassaaq sapiitsuliortorsuit immikkuullarissumik piginnaaneri (eqqarsaatinik atuaasinnaaneq, nukkittuneq, timmisinnaaneq assigisaalu) piginnaaniviillu (pissuseq, naam-magittarsinnaassuseq assigisaalu) inuit pigisartagaat assigiinngitsut. Takuneqarsinnaasumik sorliit sorlermiinnersut artuartullu allattorsigit.



Piginnaasat 1 - 5: Pissuseq, naammagittarsinnaassuseq, suleqatigiissinnaaneq, nukiit, unneqqarissuseq

Imaaliussaasi

Ilinniartitsisup qulaani pineqartut tulleriaarlugit takutittassavai, inukkallu tassunga tunngasut aamma takutinneqartassallutik. Atuartut piginnaasaq suunersoq paasiniassammassuk qanoq isumaqarnerseq eqqartorneqassaaq. Taamaaseriarlutik ilinniartitsisup atuartut piginnaanermik aalingersimasunik piginnaanillit nikueqqusassavai. Atuartup nammineq nalileeriaasia uani aallaaviussaaq, atuaqatit ilinniartitsisorlu isummersortassanngillat.

Ataaniittut eqqartorneqassapput:

“Piginnaanermik toqqaaniaruit aaliangersimaqqissaartariaqanngilatit. Piginnaasat ilai angerlarsimaffinni atoruminarnerusinnaapput atuarfimmili atoruminaallutik. Piffissallu ingerlanerani aamma piginnaasat allanngoriartorsinnaallutik. Aaliangipallattassaait – isummat allanngortikkaluallarukku soqutaanngilaq.”

“Sapiissuseqassaait: Allat tusaasut suut pikkoriffignerlugit oqassalluni ajornarsinnaavoq. ”Allammi isumaqatiginngippanga?” ”Allatuullimi pikkoritsiginngikkuma?” Illit misigisatit aallaaviussapput – sapiissutsit tamaat atorlugu piginnaaninit taaneqaraangata nikuittassaait!”

“Illit pillutit eqqarsaatit pineqarput. Taamaattumik allat piginnaasai/piginnanerinngisaaluunniit pillugit oqaaseqassanngilatit.”

Atuartut eqqumaffissaat

Sapiillisaarlutit takutiguk qanoq isumaqarnerlutit Qinikkatit isiginiakkit – allallu oqaaseqarfiginagit



Akoorilluarneq

Sooq taamak sammisaqartoqassava

Uani periutsit assigiinngitsut atorneqassapput, pinnguarneq aallussinerlu, taakkulu atorlugit ilikkakkat tallimat nutaat sammineqaqqissapput. Atuartut asseq sorleq toqqarneqassaner-soq eqqumaffigisariaqarpaat, piginnaanerillu suunersut uteqattaarneqassapput.

Imaaliussaasi

Piginnaanivissuit tallimat (pissuseq, naamagittarsinnaassuseq, suleqatigiissinnaaneq, nukiit, unneqqarissuseq) atuartunut agguaanneqassaput (soorlu iipili, pæri assigisaalu). Atuartut iloqqasunnungussapput issiavimmullu ingissallutik. Ilinniartitsisoq inukkat tigullugit qeqqanut ingissaaq. Ilinniartitsisup oqaaseqarani inugaq saqqummiutissavaa, atuartullu piginnaaner-mik taassuminnga tunineqarnikut "pissuseq"-mik nilliassapput nikuillutillu, allallu taamak piginnaanillit issiavimmik paarlaaqatigissallugit. Paarlaagaattoqarnerata nalaani ilinniartit-sisup issiavik ataaseq tigussavaa taamaasillunilu ataaseq issiavissaarutissalluni. Atuartoq issiavissaaruttoq tulliani atuartut paarlaagaatilerpata issiavissarsiupallassaaq. Ilinniartitsisoq "akoorilluarneq"-mik oqaraangat atuartut tamarmik iniminnik paarlaatissapput. Pinnguaat ingerlanneqassaaq inukkat minnerpaamik marloriarnissaata tungaanut.

Siunnersuutigineqarpoq piginnaaniviit tallimat tulliuuttut aatsaat ullup aappassaani iserfigine-qassasut, atuartut eqqarsaatersuutissaqarpallaannginnerussammata.



Pissuseq



Piginnaasat 6-10: takorluuisinnaaneq, ikiuussinaneq, tusarnaarsinnaaneq, takutitsisinnaaneq pineqqortussuseq

Imaaliussaasi

Piginnaaniviit tallimat uteqqeqqaarsigit: Inukkat takuteqattaakkit, atuartut piginnaaneq suunersoq taasassavaat. Inukkat taarserarneri sukkatsikkiartukkit, taamaaliussaaitit atuartut inukkat tamarmik suuneri ilikkaqqinnissaata tungaanut. Taassuma kingorna piginnaaniviit tallimat nutaat saqqummiunneqassapput. Siuliattut ataasiakkaarlugit saqqummiutikkit as-sitaalu takutittarlugu. Atuartut pineqartumut piginnaaneqartumik (atuaqatimiunngitsoq) assersuutiliortassapput. Taassuma kingorna atuartut piginnaanermik pigisallit ilinniartitsisup nikueqqusassavai.

Atuartut eqqumaffissaat

Sapiillisaarlutit takutiguk qanoq isumaqarnerlutit
Qinikkatit isiginiakkit – allallu oqaaseqarfiginagit

Uteqqiineq

Imaaliussaasi

Inukkat atorlugit piginnaaniviit uteqqiiffigisigit. Inukkat takuteqattaakkit, atuartut piginnaaneq suunersoq taasassavaat. Inukkat taarserarneri sukkatsikkiartukkit, taamaaliussaaitit atuartut inukkat tamarmik suunerisa ilikkaqqinnissaasa tungaanut. Inukkat ersittumut inissinni ni-vinngarsigit.

Hagnabip piginnaasai

Imaaliussaasi

Hagnab pillugu oqaluttuaq atuffassissutigeqqiuk. Atuartut Hagnabip Malillu suut piginnaanerineraat maluginiassavaat (allagartarsuaq piginnaanivinnik qulinik imalik takoqqujuk). Atuartut tusarnaarnermi nalaani inukkat aamma isiginnaarsinnaavaat. Oqaluttuaq naappat atuartut Hagnabip Malillu suut piginnaanerineraat eqqoriassavaat – sumilu piginnaaneq atorneqarnersoq oqaatigineqassalluni.



Piginnaanivikka

Imaaliussaasi


Maanna atuartut naammineerlutik suut piginnaaniviginerlugit allassavaat. Piginnaanerit pingasut imminerminnut tulluartititik toqqassavaat. Toqqakkat pingasut titartaaffissamut "Piginnaanivikka"-mut titartarneqassapput/allanneqassapput. Atuartut ilaat piginnaanernik pingasunik tulluartunik nassaarniarnissartik ajornakusoortissinnaavaat; ilaallu aaliangerna-veersinnaallutik. Atuaqatit qanoq piginnaaneqarneri ataatsimut eqqartorneqarnissaat iluaqu-taasinnaavoq. Nipaarlusoqannginniassammat nammineerlutit atuartumut piginnaasanik 2-3-nik piareersimatitsissaatit. Ersarissassavalli atuartup nammineerluni piginnaaneq sorleq tulluarnerunersoq aaliangissammagu.

Naleqqussaalluni atuartitsineq

Atuartut unammillerneqarnissamik pisariaqartitsisut assersuutigalugu allassinnaavaat inuit qanigisami suut piginnaaniviginerat.

Uteqqiineq

Atuartup piginnaanivimminik suliaqarfini portfoliomut ikissavaa. Atuartut piginnaasanik eqqarsaateqarnerat eqqartorsinnaavarsi. Suna ajornarpa? Suna nuannerpa pissanganarlunilu? Ilikkagassat aallaavigalugit eqqartuigitsi.



8 PAASISANIK UTEQQIINEQ

Atuartut immikkoortut assigiinngitsut iserfigisimalereerpaat piginnaanerillu assigiinngitsut sulissutigereerlugit. Assigiinngitsorujussuuvoq atuartut sunik qanorlu annertutigisumik eqqaamasaqarnerisut. Taamaattumik immikkoortumi uani sammeriikkat tamarmik uteqqineqassapput, taamaasiornikkullu atuartut eqqaasineqassapput ilikkakkaminnik, tullissaaniami ilikkakkatik piginnaasatillu atorlugit naleqalersitsissagamik.

Piffissamik atuineq Minutsit 30-t missaanni.

Atortussat Kortit oqaasertallit sisamat pappiaraq (AAP, NAAMIK, ?, Paasisaqarnerorusuppunga). Natermulli kridti atorlugu aamma allanneqaannarsinnaapput.

Hertugeqarfik

Sooq taamak sammisaqartoqassava

Hertugeqarfimmi pinnguaat atoqqissiuk (**qupp. 23-24 takuuk**). Maannakkulli atuartut apeqqutit ataani pineqartut eqqarsaatigissavaat, taamasillutillu suut iserfigereernerlugit eqqaaqqissallugu.

Apeqqutit

- Hagnabip suna immikkuullarissutigaa?
- Eqqaamaviuk sammisatsinni suut ilinniarnarigut?
- Sapiitsuliortorsuup ajortupiluullu suut assigiinngissutigaa?
- Misiginneqataasinnaassuseq qanoq isumaqarpa?
- Sapiiserneq qanoq isumaqarpa?
- Suleqatigiinniartilluni suut pingaaruteqarpat?
- Piginnaanivinni piginnaanernilu suut assigiinngissutaappat? Assigisaalu

Naleqqussaalluni atuartitsineq Atuartut unammillerneqarnissamik pisariaqartitsisut assersuutigalugu sammineqarsimasuni immikkoortumut eqqaamasani pingasut allassavai.




9 NALEQALERSITSINEQ

Maanna atuartut ilikkakkatik qanoq atorneqarnissaat sammissavaat. Siunertaavoq atuartut paasissagaat piginnaasatik isumassarsiatillu imminnut allanullu naleqartut. Imminnut "Ulluinnarni sapiitsuliortorsuartut" isigalutik silarsuarmut appakaatissapput, tassanilu pis-susertik, piginnaasatik sapiissusertillu atorlugit allanngueqataassallutik. Paasissavaat arfi-neq-marlunnik ukioqaraluarlutik piginnaanivinnillu peqanngikkaluarlutik sapiitsuliortuullutik naleqarlutik.

Iikkagassat Avatangiisinniittut sumik pisariaqartitsinersut eqqarsaatiginnaavara
Upperaara allanut allanngueqataasinnaallunga
Isumassarsiamama misilittarnissaannut sapiissuseqarpunga
Misigisakka pillugit allat oqaluttuussinnaavakka

Piffissamik atuineq Atuartitsinermit akunnerit 3-5 missaanni

Atortussat Arsaq aqitsoq assigisaaluunniit
Suliassaq: Ulluinnarni sapiitsuliortut pillugit kortiliaq
Kartoni brainstormerfissaq (A3-it qulit)
Pappiaqqat titartaaffissat
Saniatigut suliassat



Tamanut isumassarsiatsialaat

Imaaliussaasi

Ataaniittut atuartullu eqqartorsigit

“Sapiitsuliortorsuit piginnaanitik atorlugit allat ikiortarpaat allanngueqataallutillu. Maanna ilissi ulluinnarni sapiitsuliortuusariaqalerpusi! Eqqaamallugu tamassi sapiis-suseqarpusi nalilinnillu piginnaaneqarlusi, naleqalersitsissutigisinnaavasi avatangiisis-sinnullu allanngueqataasinnaallusi.”

Atuartut siullermik ikioqatigiillutik isumassarsiussapput piginnaanerit assigiinngitsut allanut qanoq naleqalersinneqarsinnaanersut. Tamanna assigiinngitsutigut sammineqarsinnaavoq, piginnaaniviit qulit aallaaviusinnaapput akoorneqarsinnaallutilluunniit:

Arsalerineq Nassuiaat qupperneq 17-18-imiittoq takuuk

Ilinniartitsisup piginnaaniviit tulleriaarlugit taagussavai. Atuartup arsaq tigugaangamiuk piginnaaneq allanut qanoq naleqalersitsisinnaanersaq siunnersuusiortassaaq. Pingaarute-qarpoq siunnersuutigineqartut tamarmik akuersaarneqarnissaat apeqqusersorneqannginnis-saallu. Siunertaavoq iliuuserineqartussanut isumassarsiornissaq – isummersuutillu piginnaanernut naapertuuttunut inissinneqartariaqanngitsut.

Iloqqasut marloqiusat

Atuartut marlunnut avinneqassapput. Appai iloqqasunngussapput illuanut saallutik qititik ilorlinngorlugit – taava sinnerisa atuaqatitik nutsami qalipaateqataanik nujallip saavanut inississapput. Ilinniartitsisup piginnaanivik taappagu atuartut katillugit 30-60 sek. iluani siunnersuutissamik isumassarsioqatigiipallassapput. Taamaasiortoqareeraangat atuartut tamarmik saamimmut ataatsimik allussapput, taamaasillutillu nutaamik suleqateqalissallutik. Piginnaanermik nutaamik taasisoqarneratigut pinnguaat ingerlaqqissaaq.



Brainstormeqatigiinneq


Ilinniartitsisup piginnaanivik atuartunut saqqummiutissavaa; atuartut siunnersuutissaqaraangamik nappaasassapput. Siunnersuutigineqartut kartonimut allanneqassapput/titartarneqassapput, piginnaanerillu tamarmik immikkut kartorneqassapput. Atuartut eqimattakuutaartinneqarsinnaapput, pappiaqqallu assigiinngitsunik titartagalersorneqarsinnaapput siunnersuutillu amerlanerusinnaallutik.

Ready, set, ACTION

Imaaliussaasi

Atuaqatigiit iluanni siunnersuutigineqartut aallaavigalugit maanna atuartunut suliassaq "Ulluinnarni sapiitsuliortut pillugit kortiliaq" immersussavaat. Namminneq qanoq ikiuukkusunnerlutik allassinnaavaat titartarluguluunniit. Ikiorusutaat atuaqataasinnaapput, atuartuusinnaapput, atuarfimmi atorfiliusinnaapput, ilaqutaasinnaapput, kammalaataasinnaapput illoqarfimmi naapitaasinnaapput assigisaallu.

Sapaatip akunnerani tulliuttumi atuartut isumassarsiatik misilittassavaat. Sapaatip akunnerata ingerlanerani atuartut makku eqqartussavaat: Allanngueqataaffigisinnaasaminnik nassaarsinnaappat? Ikiuisinnaanermik allaanerusumik nassaarsinnaappat? Nalunartoqarpa? Pilersaarutit malinneqarpat? Atuartut qanoq iliorsimanerminnik assersuuteqartinneqarsinnaapput.



Toqqaaneq saqqumiinerlu

Imaaliussaasi

Sapaatip akunnera naappat atuartut pisoq tulluusimaarutigisartik toqqassavaat. Pisoq titartarneqassaaq, qalipanneqassaaq, pappiaraq tamarmi atorineqassaaq il.il. Atuartut titartagaat atuagannngortinneqarsinnaapput, taamaasiornikkut atuartut iliuuserisinnaasaminnik isummersorfissaqalissapput. Piumasut titartagartik pillugu allaaserinnissinnaapput.

Isummassarsiatsialaasinnaavoq atuartut titartakkaminnik saqqummiinissaat – assersuutigalugu atuaqatiminnut atuartunut allanut assigisaanulluunniit. Angajoqqaat aamma saqqummiiffigineqarsinnaapput. Tassanilu atuartut portfolioi aamma takutinneqarsinnaallutik.

Uteqqiineq

Ikiuilluni qanoq ippa?

Atuartut sapiillisaartariaqarsimappat?

Isummat piviusunngortinnissaat ajornakusoorsimava?

Immikkoortumi ilikkagassat aallaavigalugit eqqartuisoqarsinnaavoq



10 NALILERSUINEQ

Atuartut sammisap ingerlanerani suut ilikkagassaanersut takusinnaanikuuat. Maanna atuartut naammassiartornermi ilikkagassasut ilikkarsimanerlugit eqqarsaatersuuteqarfigisavaat. Aammattaaq atuartut sammineqartuni pissarsiarisimasatik nalilersuiffissat aallaavigalugit nalilersuiffigissavaat portfoliolu qimerloorneqassalluni.

Ilikkagassat Ilikkakkakka suunersut eqqarsaatigisinnaavakka

Piffissamik atuineq Minutsit 60-90

Atorneqartussat **Nalilersuiffissaq**

Nalilersuiffissaq immersoruk


Imaaliussaasi

Nalilersuiffissaq kisimiillutit marlukkaarlusiluunniit immersorsiuk: Sammisani qanoq ilikkagaqartigivunga?

Ilikkagassanik nalilersuineq

Imaaliussaasi

Ilinniartitsisup ilikkagassat qulit tulleriaarlugit atuassavai. Atuartut qalipaait (**qupperneq 20 takuuk**) aallaavigalugit akissueqartassapput.



Unneqqarissuseq



Portfolio

Imaaliussaasi

Atuartut portfoliortik misissussavaat. Iluaniittuni imminnut pingaaruteqarnerpaat pingasut toqqarneqassapput. Assersuutigalugu tulluusimaarutaanerpaaq, nuannarinerpaasaq imaluunniit nalunarnerpaasorisaq. Toqqaanissamut piffissaliigit – assersuutigalugu minutsit 15-it. Taava toqqarneqartut nerrivimmut ilineqassapput atuartullu marlunnut avinneqassallutik. Atuartut ilai issiaannassapput, taakkualu saqqummiussaminnik oqaluttuassallutik, affai inip iluani nerrivimmiit nerrivimmut ingerlaassapput. Minutsit 10-it ingerlareerpata paarlaatissapput.


Naleqqussaalluni atuartitsineq

Atuartut unammillerneqarnissamik pisariaqartitsisut assersuutigalugu

- ilikkagassani quliusuni sorleq ilikkarnerpaasimanerlugu eqqarsaatigissavaat
- ilikkagassat suut sulissutiginiarnerlugit eqqarsaatigissavaat

Uteqqiineq

Sammissaq naammassineqassaaq ataatsimut sapiitsulerinerup uteqqiissutigineratigut.



SULEQATIGIINNISSAMIK ILINNIUTIT

Ilinniutit tulliuttut atorlugit eqimattakkuutaarluni suleqatigiinnissaq aammalu suleqatigiinnermik misilittagaqalernissaq sammineqarpoq. Kiisalu eqimattakkuutaatigiit imminnut qanil-lisarneqassapput tatigeqatigiilersinneqarlutik paaseqatigiissinnaanngortinneqassallutillu.

1 Napasuliarsualioritsi

Atortussat: Pappiaqqaq A4 uuttuullu

Atuartut eqimattanut 3-4-inik amerlassusilimmik inuttalinnut agguataarneqassapput pappiaqqallu A4-mik angissusillit atorlugit napasuliarsualiortinneqassallutik. Nipittartoq liimmi clipsit assigisaalu atorneqaaqqusaanngillat. Pingaaruteqarput eqimattamiittut tamarmik suleqatigiinnissaat kiisalu qanoq napasuliarsualiortoqassanersoq isumassarsioqatigiiffigissal-lugu. Napasuliaq uppisinneqarsinnaanngitsoq suliarineqassaaq portunerpaaniuttoqassaaq kusanarnerpaaniuttoqassallunilu. Napasuliaq nammineq napasinnaassaaq. Ilinniartitsisup aaliangissavaa piffissaq qanoq sivisutigisoq atorneqassanersoq. Piffissaliussa qanoq naammassip-pat eqimattani sananeqarsimasut saqqummiunneqassapput uuttorneqassallutillu.



2 Kuuk kuukkoorialik

Atortussat: Aviisikut, pissittaarut, allunaasaq assigisaaluunniit kuup silissusaanik takutitsissutissaq.

Atuartut eqimattani 4-6-kkuutaassapput. Ilinniartitsisup kuup angissusaa pissittaarut allunaasarluunniit atorlugu (miiterit 3-4 –pajaaq) inissinneqassaaq. Eqimattat kuup ikaagasarisami illua'tunganut inississapput. Kuuk ulorianartunik kuukkooriaqarpoq, taakkualu nakkartut nerisarpaat. Eqimattat aviisikunik tunineqassapput (atuartut sisamaagunik aviisit pingasut – atuartulli tallimaappata aviisit sisamat il.il.), aviisillu atorlugit kuuk ikaarneqassaaq. Kuuk qorlortorsuummat aviisi paarineerukkaangami tummaqqaneerukkaangamiluunniit ingerlaannaq saavigussaasarpoq. Imaappoq: eqimattami atuartut tamarmik aviisit atorlugit ikaassapput – nateq attorneqaaqqusaanngilaq, aviisillu tamarmik pinngitsooratik paarineqanngikkunik tummaqqaneqartariaqarlutik. Eqimattat tamarmik ikaarsinnaanerpat?

3 Arsaq ingerlaartissiuk

Atortussat: Arsaq

Atuartut inersimasullu tamarmik natermut iloqqasunngorlutik nallakassapput. Niaqqut avalliussapput isikkallu attuutsinneqassallutik. Taamaasereeraanni arsaq isikkat kanaarlu atorlugit kaajallatsinniarneqassaaq. Arsaq nakkaqqusaanngilaq. Nakkaraagat aallaqqaa-taaneertoqartassaaq. Pinnguaat ingilluni aamma ingerlanneqarsinnaavoq, isikkalli kisimik ingerlaartitsissallutik. Pinnguaat ajornannginnerussappat arsaq skummeq atorneqarsinnaavoq. Arsap ingerlaarnera minutsilersorsiuk, paasiniallugu sukkatsikkiartornerlusi.



Unillatsiarnerit

Ilinniutit pinnguaatillu ataani allassimasut atorneqarsinnaapput ilinniartitsisup atuartut unillatsiarnissamik pisariaqartitsisut malugippagu. Atuartut pinnguaatit atorlugit eqqarsaatitik allamut saatsereerpatigit sammisamut uteqqittoqaqqissaaq.

1 Tik – Illoq, inuk nunap sajunnera

Atuartut pingasukkaassapput. Atuartoq ataaseq marlulluunniit kiserngorutissapput, taak-kualu pinnguaammik aallartitsisuussapput. Eqimattani atuartut marluk illuliussapput assami imminnut attuutsinnerisigut, talillu illut qaliaattut isigineqarnerisigut. Eqimattami kiserngoruttoq inuussaaq, illullu iluani inississalluni. Pinnguaat aallartinneqassaaq atuartut kiserngoruttut tulliuttumi suusuusaassanerlutik aaliangiinermikkut:

Illu	”Illu”-t ”Inuk”-miit qimaapallassapput, inullu nutaaq illulioqatigineqassaaq nutaamillu inuttaqalissalluni. Inuk illulerfigineqarnissaminut utaqqiinnassaaq.
Inuk	”Inuit” nutaamik illussarsiupallattassapput. Illup uninngaannarnissaa pingaaruteqarpoq.
Nunalluunniit sajunnera	Una isumaqarpoq, kikkut tamarmik paarlaatissasut, namminerlu aaliangerneqassaaq illuussanerluni inuussanerluniluunniit. Taamaallaalli pingaaruteqarpoq inuttalimmik illuliornissaaq.

Atuartoq aqutsisuusoq paarlaattoqarnerani eqimattarisassaminik nassaapallassaaq, taamaasiornikkullu nutaamik ingerlatsisussaqaqalissalluni.



2 Sapiitsuliortorsuit ajortupiluillu qerititsisartut

Atuartut 2-4 ajortupilunngortinneqassapput qerisitsisartut. Qerisitsisartuusussat ilisariumi-nassapput – assersuutigalugu qalipaateqatigiinnik tujuulullit, toqqakkalluunniit ilisarnaaser-neqarsinnaapput. Atuartut sinneri sapiitsuliortorsuupput innillit. 10-mut kisitsisoqarnerani ajortupiluit paarineqassapput. Kisitsisoqareerpat iperarneqassapput, sapiitsuliortorsuarnillu qerisitsiniaallutik malersuilissallutik. Sapiitsuliortorsuit attorneqaraangamik qerisassapput uninngaqqissaalissallutillu. Sapiitsuliortorsuarnit ajortupiluit suneqarsinnaanngillat, taamaak-kaluartorli sapiitsuliortorsuit imminnut ikioqatigiillutik inneq atorlugu aatsitsisinnaallutik eqitaarinikkut. Ajortupiluit sapiitsuliortut tamarmik qerisikkunikkit ajugaassapput. Aallaqqaataaneertoqarnerani ajortupiluit taarserneqarsinnaapput.

3 Ikittartup apuunneqarnera

Atortut: Eqimattani ikittartuq ataaseq. Aallarfiisaq tikiffissarlu arlaatigut nalunaaqutserneqassapput

Atuartut marlukkaassapput, paarlaannissaminnullu piareersimassallutik. Suleqatigiit im-minnut sammissapput, tassa imaappoq aappaa tunumut ingerlassaaq. Suleqatigiit tamar-mik ikittartumik tunineqassapput, taannalu sanimut saallugu marluullutik tikiannut (ta-marmik tikeq ataaseq atussavaat) inissinneqassalluni. Nakkaanngiivillugulu apuuteqqaan-niuttoqassaaq; nakkaagaanni aallaqqaataaneertoqartassaaq. Ilinniartitsisup unammineq aallartissavaa.

4 Piiat-tik

Atortut: Atuartut tamarmik piiammik atugaqassapput


Uani atuartut tamarmik imminnut unammissapput. Piiat niaqqup qaanut ilineqassaaq. Maanna atuartut inip iluani ingerlaassapput, allallu piiataat nakkartinniarneqassalluni, nammineq paarisap nakkartinnaveersaarnerani. Imminut attulaartoqarsinnaavoq, illarsaari-soqarsinnaavoq quinassaarisooqarsinnaallunilu. Piiat nakkaagaanni sinaanukartoqartassaaq, tamarmillu nakkaasaqarnissaannut utaqqissallutik. Kiserngoruttoq ajugaasarpoq.



5. Isigillammak

Atortut : Centicubeq assigisaaluunniit.

Atuartut tasiortulik illoqqasunnussapput. Atuartoq ataaseq qeqqanut inississaaq. Qeqqaniittoq immikkut piginnaaneqarpoq – isigillammaavoq – suullu tamaasa takusinnaallugit. Iloqqasuniittoq atuartoq ataaseq Centicubemik tigusissaaq, taannalu sapiitsuliortorsuarmit takuneqassanngilaq. Maannalu sapiitsuliortorsuup takunngisaanik centicubeq kaajallaanneqariartussanngorluni. Iluatsikkaangat eqimattamiittut ajugaasassapput. Sapiitsuliortorsuup centicubeq nassaarigaangagu ajugaasassaaq, nutaamillu sapiitsuliortorsuarmik toqqasoqartassalluni.



Hagnab – niviarsiarraq nutaaq

Aasaanerani atuangiffik naavoq. Malik atuariatoqqinnissaminut erinisuppoq. Nalunngilaa atuakkamik, kisitsissummik, allaffissamillu tunineqassalluni kiisalu atuaqatitaartussaalluni. Ullaaq taanna Malik siniffimmiit massipiloorluni makippoq. Atisartaani nassaaripallariarlugit ativai. Perusersartarfimmukarpoq tarrarsoriartorluni. Eqqarsaleraluarpoq angajumi voksiutaa atussanerlugu. Naa – sussa.

Ullaakkorsiupallappoq atuagaasivinilu aqqissuutipallallugu ”Anisinnaanngorpunga?”

“Piitaq utaqqilaarniaruk,” ataata oqarpoq. Piitaq Maliup angajorivaa, taanna atualeqqinnissaminut erinisunngilaq. Piitap Anda atuaqatigivaa. Anda atuarfimmi naalanngitsortaavoq. Kikkut tamaasa qinngasaartarpai qunusaarlugillu – allaat imminiit mikinerujussuit. Allaammi asaanerani atuangiffimmi Andap Piitaq arlaleriarluni malersukaartarsimavaa.

Malimmut piffissaq assut arriippoq, Piitarlu kiisami piareeqaaq.

Malikatuariartorami initaaminukapallappoq atuagaasivini iliniarlugu. Ilinniartitsisuat, Naja, atit nerrivimmut iliorareersimavai, Christiaallu atini ujpallappa. Kinamita sanilerilissavaa?

Aana! Malimmik allaqqavoq. Sanilissami atia isigivaa: H-A-G-N-A-B.

Hagnab, atuaqatitaarisimassavaa. ”Malik silami zombie-tikeqataarusunngilit?” atuaqataa aperivoq. Atuagaasivini ilipallariarlugu anivoq.

Sianeq sianermat isaapput inissaminnullu ingillutik. Naja iserpoq: ”Aluu meeqqat, neriuppunga aasarsiorluarsimassasusi 2.klassernissassinnnullu piareertusi. Erinisoriilillunga!” Maliup ilani marserpai. Atuaqatitaassaasuli aggersimanngilaq! Atuarneq aallartippoq; aasarsiornerit pil-lugu oqaluttuarlutik aallartippoq. Tassanngaannaq matu ammariasaarpoq. Hans-Karl, atuarfiup naalagaa, iserpoq niviarsiaqqamik tasiorluni. Qorsunnik nujaqarpoq. NUTSAT QOR-



SUIT! Wauw, Malik eqqarsarpoq, tassani qorsunnik nujalimmik takunikuunngisaannarani. Niviarsiarq Maliup sanianut ingippoq.

”Aluu. Hagnabimik ateqarpunga, qanoq ateqarpit?” Malimmut qungujulaatigaluni aperivoq. ”Eeh” Malik akivoq, nujaali qorsuit alarnaveerlugit. ”Eeh”, oqaqqippoq, ”Malimmik apeqarpunga.” ”Aluu Malik”, Hagnab oqarpoq allattarfissuarlu qiviarlugu.

Ulloq sisuuginnaq ingerlavoq. Unnukkut nerillutik Piitaq oqaluttuarpoq, Anda atuaqataat suli allanut qinngasaariinnavittartoq. Anaanap Malik aperivaa ulloq siulleq qanoq issimanersoq, Malilli eqqaamasarpallaanngilaq. Eqqaamasatuaa tassaavoq Hagnabip nujai qorsuit – pui-gukkiussimavai. Kisianni Hagnabi nuannerpaseqaaq. Allaanerulaarpasippoq, pitsaarpasillunili.

Aqaguani atuarfimmi aasarsiornermini misigisartik nuannersoq tegneserialiarisussaavaat. Malik taannaqami eqqarsalerpoq suna oqaluttuarissanerlugu, kisiannili oqaluttuassarpallaarani. Hagnabi qiviarpa. Titartaarsuaalereersimavoq allasuataalereersimallunilu.

”Suna oqaluttuarilerpiuk?” Malik aperivoq. ”Nutsernera, initaannilu inissitsiterinera. Illimmi?” Hagnab aperivoq. ”Nalulerpara suna oqaluttuarissanerlugu,” Malik anersaaruluppoq.

Hagnabip assani eqippai Christiaallu isigalugu. Taamaaseriarluni sekundi missaa sajussuaatal-lappoq oqarlunilu: ”Soormi arsaattornerit oqaluttuarigukku?”

Taamaasilluni Malik suliaqarluni aallartippoq. Taannaqami titartaalerpoq titartaalerpoq, allalerpoq allalerpoq. Suliaqarsimangaarami anitsiaramik nuannaqaaq tulluusimaaqalunilu. Maliup Hagnabi oqarfigisimavaa, qalipaatinik pisariaqartitsiguni atuinnaasooq. Hagnabillu tegneserialiani torrallassimaqaa.

Isaaqqikkamik atuaqatigiit matematikkertussanngorput. Nikkulaat, matematikkertitsisuat, nassuiaavoq qanoq suliaqassanersut, atuartullu suliaqarlutik aallartipput. Malik ingilluni atuakkaminut nakkussilerpoq. Suliassani aallartinnaveerpai. Taavalu allamut saaginnarluni arsaattornini eqqarsaatigiinnalerlugu.



Hagnabip Malik assaatigut attormagu aatsaat silattuaqivoq. Isaatigut qiviariarlugu assani eqippai sajulerlunilu. Taava qungujulaatigaluni oqarpoq: "Malik sapinngilatit." Kiisami Malik aallartippoq, sulianilu assut tulluusimaarutigeqai. Anitsialeramik suut ilikkarsimanerlugit eqqartorpaat, tassanilu assut Nikkulaat nuannaajallappoq Christiaallu nersualaarlugu. Arnaq assut nuanniilliorpoq kisitani tamaasa ajorsimammata.

Soraaramik Hagnabip Arnaq ornippaa assaalu tigoriarlugu oqarluni: "Arnaq, nuanniilliusangilatit, uanga aamma matematikkimi nalorsartarpunga. Sunut tamanut pikkorissuusinnaangilagut."

"Qujanaq," Arnaq akivoq. Ullukkut Arnaq Christiaallu Christiaakkut naatsiiviannut aneeriarput.

"Assaa ullumi matematikkimi pikkorittutit," Arnaq oqarpoq. "Qujanaq," Malik akivoq. "Aallaqqaammut aallartinneq ajuleraluarpunga, kisiannili Hagnabip oqarfigivaanga sapinngitsunga. Taava aallarterasarpunga." Arnap tungaanut qiviarpoq. "Arnaq, aqagu nerrivinnukarusukuit, ikiorumaarpakkit."

"Qujanaq," oqarpoq. "Hagnabi pitsaangaarami. Nalunngilaa qanoq oqaruni nuannaalersissanerlunga," Arnaq oqarpoq. "Sumiinngaanneersormitaavaana?" "Naluara," Malik akivoq. "Aqagu aperigaluarsinnaavara."

Aqaguani Maliup Hagnabi nakkutilerpaa. Atuarnerminut malinnaanngiivilluni taannaqami nakkussilerpoq nakkussilerpoq. Hagnabip qiviariasaarpaa oqarlunilu: "Malik, nassuiaakku maarpakkit utaqqilaarniarit. Aqagu Piitaq arsariarpat pulaariassavakkit. Pinnguartarfiup naapikkumaarpugut." Malik tupalluni alarpoq. "Aap." Suminngaanniinguna nalunngikkaa Piitaq arsariatoq? Qanoruna aamma isilluni pinnguartarfik nalunngikkaa?

Ulloq taanna Malik tuaviinnaq atuarfimmiit angerlapallappoq. Atuagaasivini igaffimmut ilipallariarlugu pinnguartarfiliapallappoq. Tupapporlu Hagnabi pinnguartarfimmiilereersimasoq takugamiuk.



“Qanoq isillutit taamak sukkatigalugit apuuppit?” Malik aperivoq. Hagnabi illariarluni isinguaaginnarpoq. Ornippaalu. ”Ajunngila maani issiarujoorluta putsut isiginnaarujooqqaarutsigit?” Hagnabi aperivoq. Malik anngaavoq. Paasisaqarusukkaluarluni nuannaaginnarpoq Hagnabi ilagissagamiuk. Toqqissisimanarinermimmi.

Hagnabip angerlarnissaata tungaanut nuannisaarujoorput. Maliup sininnialeriarami eqqaaleriasaarpaa Hagnabi kinaanersoq suminngaanneernersorluunniit aperinngitsoorlugu.

Ullut sapaatip akunnerilu ingerlapput. Soorlu tassa Hagnabi atuaqataajuaannarsimasoq. Kiisa Maliup Hagnabip nujai eqqumiigiunnaarpai – taamaattussaannartullu isigilerlugit. Hagnabilu anitsiarfinni pinnguassarsiortuaannarpoq. Allat pinnguaatissaarukkaangata, silaannarsuarmukartartuusaartarput nunarsuillu allat tikeqattaartarlugit ilaatigullu imaani paaasorsuusaarlutik erlinnaartuutinik ujarlertarlutik. Pinnguallaqqingaarmat ilaannikkut soorlu tassa pinnguannigitsut.

Ullut ilaanni soraqqammerlutik Nathaliap qarlortaatinu kammalaatiminut takutinniarlugu tiguaa. Angajuminiinngooq atorsimagaa qarlortarnermik sungiusarniassagami. Taamaalinerani pinnguarterfik meeraarutiliivippoq. Maliup allamut saallatsiarnermini takuaa Anda aggerujoortoq. Øv. Tungaanummi ingerlavoq.

”Qalortaata takulaarlara,” Kaakamut oqarpoq. ”Naamik,” Nathalia akivoq nangillunilu: ”Angajora neriorsornikuuara sianigeqqissaassallugu.” ”Qaaguk,” Anda oqaqqippoq. ”Naamik!” Kaakap isumaa allanngortitassaangilaq.

Pisut sukkingaarmata Christiaalluunniit iluamik paasinngilaa susoqarnerpoq. Andap Nathalia ajariasarpaa. Uppikkiartornermini qarlortaata silaannarmi sapangippaa, qarlortaallu nunap tungaanut nakkariartulerluni. Tassanngaannaq Hagnabi nueriasarpoq, qarlortaallu nunamut tunnginnerani akorlugu. Malik isumaqaavikkaluarpoq Hagnabi saninnguamini nikorfasoq.



Qanoq isilluni taamak sukkatigisinnaagami?

Hagnabip qarlortaat Kaakamut tunniuppaa. Hagnabip nujai qorsuusut maanna qorsuit taar-tunngorsimapput. Andap tungaanut saakkami assani eqeriarlugit sajulerpoq. Pisarnermiit sivi-sunerusumik sajuppoq. Anda qeqqiinnarluni uninngavoq Hagnabip isikkut isigigaani. Putuk-kuminik tummariarluni siutaatigut isussuffigaa. Anda Kaakamut saariarluni oqarniarsaraluni oqaqqarpoq: "Utoqqatserpunga," arpallunilu qimaalluni.

Piitap Malik ornippaa.

"Susoqaramiuna?" Aperivoq. "Eeh, naluara," Malik akivoq.

Hagnabip ornippai. "Qanoruna oqarfigiviuk?" Malik aperivoq. Hagnabi qungujulaannarpoq isinnguaariarlunilu allagartamik tunillugu. "Takuus," oqarpoq. "Qanoruna allaqqasoq?" Maliup Piitap aperiutaa allagartaq tunniuppaa.

"Kammagiinneq, naapertuilluarneq sapiissuserlu! Sapiissuseqartuaannassaait imminullu up-periuaannarlutit, allanngunngisaannassallutillu. Torraqaatit!" Piitap oqarpoq.

Maliup Hagnabi oqarfiginiarlugu saakkaluaramiuk, naak peqaraluangilaq.

